

上天錫智明神啓衷作德而魔障不侵爲善而惡練不奪身備身之五福遂兼濟之夙心舉家之長少蒙休闔會之眷紳同享尚慮黜官某等爰從上世逮及今生或三業之成愆或六根之積惡或在日官月府而未貸或在天曹地司以未原並冀赦除普蒙恩有東華青簡南極丹書紀積善之因錫榮華之慶所祈進達復契情誠先亡離苦以昇天見在延齡而增福晉均蠢動咸遂生成上明天尊化育之慈下副巨等歸誠之願謹拜啓以聞

知磬舉十二願

舉存神燒香

高功復爐

香官使者左右龍虎君侍香諸靈官當令臣向東早朝陸壇行道之所自然生金液丹碧芝英百靈東真交會在此香火爐前當願十方仙童玉女接侍蘭煙傳臣向來所啓之誠速達徑御至真元極大道

三清上聖

昊天玉皇上帝 御前

舉出堂頌

出戶

引至六幕堂

道門科範大全集卷之二十

正一天師清微弟子 洪百堅 製

道教學術資訊網

道門科範大全集卷之二十一

廣成先生杜光庭剛定

文昌注祿道場儀

臨午行道

法事陸壇如式

都講舉各禮師存念如法

高功宣衛靈呪

丹靈朱火炎霞激風赤輪剛運天光八衝

逆威包羅交變萬方流金豁落群魔滅蹤

辟奸放妖明耀元功金符召制躡雲策龍

誦歌慶會散花太空神化宜運四極安陸

伏御帝前罔有不恭和與道合真

舉鳴法鼓二十四通

高功發爐

無上三天玄元始三炁太上道君太上老君召出臣等身中三五功曹左右官使者左右捧香驛龍騎吏侍香金童傳言散花玉女五帝直符直日香官各三十六人出出者嚴裝顯服冠帶垂纓關啓玄壇土地方域神真臣今臨午陸壇行道謹奏爲入意其諸忱悃已

錄告聞願得

太上十方至真道炁靈寶瑞光下降流入臣等身中今臣所啓之誠速達徑御

太上无極大道

三清上聖

昊天玉皇上帝 御前

請稱法位

具位臣某與合壇官衆等謹同誠上啓

太上虛无自然元始天尊次啓九天上帝三十六天天帝三十二天天帝諸天上帝紫微

太微垣帝座星君五帝三元上真三十六部

算經玄中大法師十一大曜星君北斗南辰

星君二十八宿星君東壁文章星君七星賢

良真君十二宮神真君文昌星君三台星君

進賢星君少衆星真君圓穹星宿真君上清

太微南朱文昌真人太上九氣文昌宮仙官

建生星斗真君青城山九天丈人真君潛山

九天司命真君廬山九天採訪使者真君五

嶽聖帝四瀆源王司祿主者職貢舉真君英

顯武烈忠祐廣濟王貢舉掌籍考校官屬道

等

德應感一切真靈臣聞徧覆包函運玄功而

莫測聰明正直贊道化於無窮惟至大故為

群品之所依惟至神故為凡庸之所託自樸

散而為器任官必惟其人善人為不善之師

才士為不才之養庶官某安居濁俗業習儒

冠執古御今以侍熙朝之網羅研精覃思以

應有司之科目念得失之有命知富貴之在

天求而弗獲者下愚夙障之纏感而必從者

至真大慈之澤是用伸虔祈之素悃啓太上

之靈科望闔闔於香冥神游玉陛散芳馨於

寥廓默想金容臣等奉寶錄之玄文宣瓊京

之至教屬茲頌頌當為申騰臨午詞誠謹當

宣奏

宣詞

諦觀詞語灼見至誠諒上聖之垂憐眷此心

之輸款赦過尤而冰釋錫祿算以川增載馥

爐薰俯仰丹悃臣聞域中四大而王與其等

洪範九疇而皇建其極賢能資之以登用人

民賴之以安寧以今臨午陞壇行道請法衆

等運茲初檢上香願此香煙騰空徑上供養

等

太上三境至尊无極道寶臣等皈身皈神皈

命首體投地以是捨香功德上祝

當今皇帝伏願壽若南山福如巨海兵戈偃

息大一統以無疆海宇又寧占五星之同色

賢士不遺於草野俊民咸觀於清光錫福庶

民阜成萬彙今故燒香自皈依

道尊大聖眾至真之德得道之後保天長存

和與道合真

臣聞濁世大恩無如生育之重凡人遺體固

宜論報之難此身因之以有為此道賴之而

有立以今臨午陞壇行道請法衆等運茲二

檢上香願此香煙騰空徑上供養

太上瓊樓玉檢一切經寶臣等皈身皈神皈

命首體投地以是捨香功德歸流今辰醮官

某家資度億曾萬祖九世先靈伏願鍊沐神

魂超出群迷之徑游除愆咎別生景福之天

入希夷門斷輪迴路先生閱閱慶流子孫見

在尊親同需利樂伏願真氣集而盛充谷神

全而和暢福基愈固壽算增延今故燒香自

皈依

皈依

經尊大聖眾至真之德得道之後昇入無形和與道合真

臣聞祿豈徒致致之必有其基名豈徒成成之必有其本祿以善積而始致名因德修而及成以今臨午陞壇行道請法眾等運茲三

檢上香願此香煙騰空徑上供養

太上玄都瑤闕證真一切師寶臣等皈身皈

神皈命首體投地以是檢香功德歸流醮官

某伏願天啓智能神扶德業俾善功之山積

致科名之鼎來除已往之愆集有餘之慶所

有行年之上命運之中或暗曜臨身或默符

加運或值運元之衝破或當氣本之衰微上

願各沐玄休仰承道蔭變凶為吉注祿延齡

今故燒香自皈依

師尊大聖眾至真之德得道之後永保長存

和與道合真

唱方 懺方 命魔 三啓 三禮

重稱法位

具位臣某與合壇官眾等謹同誠上啓

太上無極大道三境至尊昊天玉皇上帝十

方大聖三十六部尊經玄中大法師靈寶眾真五帝三官圓穹玄象天曹一切靈仙洞天

嶽瀆聖眾司祿主者職貢舉真君掌籍考校

官屬道德應感一切真靈臣聞高者下者皆

妙道之委形生之畜之盡一元之冲氣道寔

一元之祖孰測其神人處兩儀之中獨鍾其

秀雖曰九流之異俱稟五行之和或星宿儲

精或山川孕粹寔資造化之陶冶以為道德

之墳荒賦以英靈昇之妙用渾若樸而曠若

谷事善能而動善時所以立政教於庶民檢

中和於萬國醮官某託玄功之素齋荷造化

之胎胎洪恩未報於消埃浮世虛叨於歲月

願應明時之舉以酬平日之心每懼業障洪

深福緣鮮薄恭致齋明之醮夙開蠲潔之壇

憑妙範以薦誠藉爐熏而致懇伏願九清垂

盼列聖流光憫以洪慈開以大宥所有醮官

某爰從歷劫速及今生不悟正真罔知經戒

縱情恣慾背義為非積惡甚多權髮難數謹

速先祖殃流後昆今投解謝之門冀得自新

之路未敢者蒙赦未原者蒙原應其干祿之

心聽其歸誠之願變災喪之運為吉慶之期

丹桂高科遂生平之素志黃者胎背與盛世

以同休均福利於群生覃恩光於八極上明

天尊大慈之澤下副臣等歸命之誠謹拜啓

以聞

知磬舉十二願

舉存神燒香

高功復爐

香官使者左右龍虎君侍香諸靈官當令臣

向來臨午陞壇行道之所自然生金液丹碧

芝英百靈眾真交會在此香火爐前當願十

方仙童玉女接侍蘭煙傳臣向來所啓之誠

速達徑御

至真無極大道

三清上聖

昊天玉皇上帝 御前

舉出堂頌

引至六幕堂 出戶



道門科範大全集卷之二十一